

影印
文淵閣

四庫全書

影印

文淵閣四庫全書

第一三九〇冊

北京出版集團公司
北京出版社

本冊目次

石倉歷代詩選(四)

明曹學佺編……………一

欽定四庫全書

集部
石倉歷代詩選卷三百三十一至三

詳校官庶吉士臣范逢恩
侍讀臣孫球覆勘

總校官進士臣朱 鈐
校對官中書臣葉 蘭
謄錄監生臣 京 燁

欽定四庫全書

石倉歷代詩選卷三百三十一

明 曹學佺 編

元詩一

元好問

登箕山作

千年箕山桐蘿遶深溪以悄桂樹不復見蒙密餘秋篠盤
盤盡絕頂石冢平木杪長風萬里來筋骸覺輕矯側身

欽定四庫全書

石倉歷代詩選
卷三百三十一

望巖竇解衣憇林表是時春夏交野色亂青縹川光乍
明滅地脉互縈繞罔巒蟻垤出井邑蜂衙擾紅塵洛陽
昏白雲太行曉元功信冥漠一覽疑可了悟彼東山人
胸中魯宜小

頴亭留別

故人重分攜臨流駐歸駕乾坤展清眺萬景若相借北
風三日雪太素秉元化九山鬱崢嶸了不受陵跨寒波
淡淡起白鳥悠悠下懷歸人自急物態本閒暇壺觴負

吟嘯塵土足悲咤迴首亭中人平林澹如畫

隱亭

春物已清美客懷自幽獨危亭一徘徊翛然若新沐宿
雲淡野川元氣浮草木微茫盡楚尾平遠疑杜曲生平
遠遊賦吟諷心自足揭來着世網抑抑就邊幅人生要
適情無榮復何辱乾坤入望眼容我謝羈束一笑白鷗
前春波動新綠

雜著三首

欽定四庫全書

石倉歷代詩選
卷二百三十一

二

稟氣寡所偕衣食固無端所業在農桑甘以辭華軒田
家豈不苦歲功聊可觀帶月荷鋤歸徘徊丘隴間曖曖
遠人村紛紛飛鳥還養真衡茅下庶無異患干遂謝荷
篠翁躬耕非所歎

守拙歸田園淹留自無成長吟掩柴門遂與塵事冥素
月出東嶺夜景湛虛明揮杯勸孤影杯盡壺自傾遙遙
望白雲千載有深情

榮叟老帶索原生納敝屨邈哉此前脩久而道彌著人

生少至百每懷足憂慮量力守故轍餘榮何足顧棲遲
固多娛幾人得其趣

送欽叔內翰并寄劉達卿郎中白文舉編脩

六月渡盟津十月行汜水風濤脫沈舟冰雪危墮指孝
子在中野永念負甘旨家貧親已老形瘵心欲死古稱
季路孝負米曾百里顧作鯉與魴寧當怨賴尾君歸不
可緩獻壽迫歲始遙知慈母心已為烏鵲喜

龍潭

欽定四庫全書

石倉歷代詩選
卷二百三十一

三

層冰積浩蕩陵谷互吞吐窈窕轉幽壑突兀開淨宇回
頭山水縣亦復墮塵土孤雲鐵梁北宇宙一仰俯風景
初不殊川塗或脩阻寒潭海眼淨黯黑自終古蟄龍何
年卧萬國待零雨誰能裂蒼崖雷風視掀舉

龍門雜詩

石樓繞清伊塵土天所限人言無僧久草滿不復剡灘
聲激悲壯山意出高蹇當年香山老掛冠遂忘返高情
留詩軸清話入禪版誰言海山去蕭散仍在眼溪寒不

可涉倚杖西林晚

虞卿麻長官成趣園

蹉跎匡山遊爛熳彭澤酒慨然千載上懷我生平友夫
君負奇節劍氣鬱星斗為吏非所堪徑去如避走王官
唐代還寂寞蓋已久柴車君來隱清風動林藪至今溪
上詩往往在人口淵明不可作此士寧復有

鶴雀崖北龍潭

層崖閼頑陰水木深以阻湍聲半空落洶洶如怒虎風

欽定四庫全書

石倉歷代詩選
卷二百三十一

四

生木葉脫魄動不敢語何年渾沌竅靈物此棲處初從
一綫溜開鑿到神禹雲雷鼓飛浪噴薄齊萬弩藏珠驪
龍領百斛快一吐油油入無底細散不濡縷歸藏海有
穴汎溢愁下土南峰天一柱萬石鎮幽府江山有奇探
落景迫行旅多勉如芝人終年看飛雨

五松平

竹港晨露白石門秋氣寒湍流落澗壑細路深茅管江
平白石出竟日沿清灣四顧不見人山鳥時聞關蒼崖

入地底烟靄青漫漫力盡不能過却坐空長歎青天白
雲間可望不可攀虛名竟何得行路乃爾難

晚發石門渡湍水道中

疎星澹秋明陰霞絢朝映積雨成坐愁晨光動幽興石
門歸馭引湍浦漁刀竝曠蕩萬景新歸藏四山靜平湖
風漪綠遠岸秋沙淨洋洋遊魚逝汎汎輕鷗泳隱顯乖
夙心感寓見真性倦遊徒自悼違已將安竟憂端從中
來茫茫發孤詠

欽定四庫全書

石倉歷代詩選
卷二百三十一

五

黃公廟

羈客無恒居六月走長路清風黃公祠地古欣所遇劍
飛素靈哭龍躍雲雨赴堂堂文成君談笑取帝傳功名
要有命陰相知何預誰謂圯上人異事驚竹素河清不
可俟筋力疲世故袖間一編書塵埃歎遲暮

岳祠齋宮夜宿

煌煌德寧宮望秩年祠永唐來幾焚蕩規制仍峻整龍
旂嚴繡座金罍散光炯嶽拜行自周偉觀竊欣幸青紅

留壞壁兵衛自馳騁木杪見龜趺雄筆映鐘鼎中和昔
喪亂已溺寧再拯有雁來門公赤手探虎鯁經營入慘
淡灑落出鋒穎凶豎竟自摧神鑒益彪炳青山閱人代
今古一炊頃摩挲盤根槐甲子誰記省揭來石門道煙
岫接雲嶺霄漢瞻上階濃碧挿秋影青林雨聲集懸瀑
激奔猛森然心魄動冰雪淒以緊飄飄想儂袂飛下玉
蓮井昨夢知是非復此造真境妙香淨餘習灝氣發新
警鶴書來何遲素髮迫垂領元壇展衰步似欲逐幽屏

欽定四庫全書

石倉歷代詩選
卷二百三十一

六

高柯月紛紛裴回惜清景

贈鶯

隣牆擁高樹深樾蔭衡宇山禽千百種晨夕所棲處獨
愛黃栗留姪姀如稚女笑啼俱不定宛轉工媚嫵佐窺
凝欲下轉盼忽驚舉花暗柳陰陰尚記兒時語詩家此
尤物名字喧樂府天真累絲竹客服仍楚楚宮額畫眉
潤黛黑林金縷恨不掌上看毛羽得細數山城無與樂
好鳥亦求侶時將貫珠來有唱當和汝

別李周卿

行路澀千棘單車望千山歌君歸雲曲清涕留餘潄六
年河朔州動輒得謗訕惟君篤高義日來欵柴關古交
松柏心今交桃李顏古人去不返古道挽不還相思一
樽酒幽恨寄山間

九日讀書山中

行帳適南下居人踞庭戶城中望青山一水不易渡今
朝川涂靜偶得展衰步蕩如脫四拘廣莫開四顧半生
無根著筋力疲世故大似丁令威歸來歎墟墓鄉閭喪
亂久觸目異平素粉榆雖尚存歲晏多霜露

欽定四庫全書

石倉歷代詩選
卷二百三十一

七

其二

今日復何日霜氣條已淒登高有佳招山中古招提翩
翩劉公子玉田重相攜乾坤動詩興澗壑忘攀躋霍侯
家甚貧劣有酒與雞城居厭鞀鼓移家此幽棲世網不
易逃所向皆塵泥何以濯我纓林間有清溪

其三

山腰抱佛剎十里望家園亦有野人居層崖映柴門昔
我東巖君曾此避塵喧林泉留杖履歲月歸琴樽翁今
為飛仙過眼幾寒暄蒼蒼池上柳青衫見諸孫疎燈照
茅屋新月入頽垣依依覽陳迹惻愴不能言

梨花海棠

梨花如靜女寂莫出春暮春工惜天真玉頰洗風露素
月澹相映蕭然見風度恨無塵外人為續雪香句孤芳
忌太潔莫遣凡卉妬

欽定四庫全書

石倉歷代詩選
卷二百三十一

妍花紅粉粧意態工媚嫵窈窕春風前霞衣欲輕舉金
槃渺華屋國艷徒自許依依如有意脉脉不得語詩人
太冷落愁絕殘春雨

賦邢州鵲山

去時唐山道望望鵲山背今朝西北看奇秀益可愛蒼
茫失層疊鮮駸見縈帶浮雲自來去盡巧寧變壞吳粧
入小筆隱隱拂殘黛城隅靜女人擁顰如有待

少林

雲林入清深禪房坐蕭爽澄泉潔餘習高鳥喚長往我
無元豹姿漫有紫霞想回首山中雲靈芝日應長

陽翟道中

長路伶俜裏羈懷莽蒼中千山分落照萬籟入秋風頻
見參旗縮虛傳朔幕空故園歸未得細問北來鴻

月觀追和鄧州相公席上韻

月觀知名舊池亭發興偏露涼驚夜鶴風細咽秋蟬綠
泛兵厨酒紅依幕府蓮無緣逐清景空羨飲中仙

欽定四庫全書

石倉歷代詩選
卷二百三十一

九

送登封張令西上

罷縣人稱屈悠悠復此行渭城秋雁到秦嶺暮雲平道
路衣從典風塵劍已鳴山西多俠客莫說是書生

方城道中懷山中幽居

枝拙違時用年飢與食謀江山貧士歎日月賈胡留楚
客頻招隱文園故倦遊衙門足幽事還我北窓秋

送曹吉甫兼及通甫

意氣羨君豪憐君屈騎曹安能事筆硯且復混弓刀風

雪貂裘暗關山馬骨高南飛見鴻雁應為惜哀勞

落魄

落魄宜多病艱危更百憂雨聲孤館夜草色故園秋
行魚頰尾歸期烏白頭中州遂南北殘息付悠悠

陽泉樓雲道院

方外復方外脩然心迹清開窗納山影推枕得溪聲
川路遠誰到石田平可耕霜林不嫌客留看錦崢嶸

并州聞雁

欽定四庫全書

石倉歷代詩選
卷二百三十一

十

八月并州雁清汾照旅羣一聲驚晚笛數點入秋雲
滅沒樓中見哀勞枕畔聞南來復北去無計得隨君

甲寅十二月四日出鎮陽寄宰魯伯

潯水曉光動灞橋詩境同衝寒騎瘦馬認影識衰翁
長岫風聲外孤城雪意中回頭歌笑處淒絕意何窮

讀書山月夕

層崖多古木細路深莓苔柴門開曉日雲際青山來
靜中有真趣孤賞何悠哉

西園

西園老樹搖清秋畫船載酒方華遊登山臨水祛煩憂
物色無端生暮愁百年此地旃車發易水迢迢雁行沒
梁門回望繡成堆滿面黃沙哭燕月熒熒一炬殊可憐
膏血更變為灰烟富貴已經春夢後典刑猶見靖康前
當時三山初奏功三山宮闕雲錦重壁月瓊枝春色裏
畫欄桂樹雨聲中秋山秋水今猶昔漠漠荒煙送斜日
銅人攜出露槃來人生無情淚沾臆麗川亭上看年芳
更為清歌盡此觴千古是非同一笑寧須作賦擬阿房

欽定四庫全書

石倉歷代詩選
卷二百三十一

十二

送張君美往南中

南朝辭臣北朝客棲遲零落無顏色陽平城邊握君子
不似銅駝洛陽陌去年春風吹雁迴今年雁逐秋風來
春風秋風雁聲裏行人日暮心悠哉長江大浪金山下
吳兒舟船疾于馬西湖十月賞風煙想得新詩更瀟灑

過晉陽故城書事

惠遠祠前晉溪水翠葉銀花清見底水上西山如卧屏

鬱鬱蒼蒼三百里中原北門形勢雄想見城闕雲煙中
望川亭上閱今古但有麥浪搖春風君不見繫舟山頭
龍角禿白塔一摧城覆沒薛王出降民不降屋瓦亂飛
如箭鏃汾流決入大夏門府治移著唐明村只從巨屏
失光彩河洛幾度風煙昏東闕蒼龍西玉虎金省觚稜
上雲雨不論民居與官府仙佛所廬餘百所鬼役天財
千萬古爭教一炬成焦土至今父老哭向天死恨河南
往來苦南人鬼巫好機祥萬夫畚鍤開連岡官街十字
欽定四庫全書
石倉歷代詩選
卷二百三十一
十二

築晉陽

雲巖

觀州倅武伯英崞縣人少日舉進士有詩名其賦剪
燭刀有啼殘瘦玉蘭心吐蹴落春紅燕尾香之句甚
為時輩所稱家故饒財第宅園亭為河東之冠貯書
有萬卷樓嘉花珍果悉自他州移植為人多伎巧山
水雜畫斲琴和墨皆極其工嘗得宣和湖石一竅竅

穿漏殆若神劉鬼鑿炷香其下則煙氣四起散布槃
水上濃澹霏拂有煙江疊嶂之韻吾鄉衣冠家法書
名畫及藏書之多亦有伯英相上下者伯英獨恃寶
石以擅奇汾晉間耳興定末伯英歿于關中楊戶部
叔玉購石得之壬辰園城中以示余且命作詩危急
存亡之際不暇及也乙巳冬十一月來東平過聖與
張君之新軒而此石在焉聖與名之曰雲巖余問石
所從來聖與言夏津王帥得之汴梁泥塗中而以見
貽余因歎一物之微經歷世變遷徙南北乃復為
好事者之所寶玩似不偶然乃為詩道其故聖與
三世相家以文章名海內其才情風調不減前世
賀東山晏叔原故卒章以蕭閑明秀峰故事屬之
壺中九華玉屏顏紫烟著水往復還小窗虛明澹相對
不數漢宮銅博山會稽禹穴深無底寶石偷來定山鬼
一堆寒碧殊不凡滿谷春雲更堪喜阿欣秀發見眉宇
小杜才情淪骨髓摩挲不作几上看繚白紵青便千里

欽定四庫全書

石倉歷代詩選
卷二百三十一

十三

渾沌日鑿餘空嵌漏天蒸濕饒風嵐世外元無種香國
海南真有補陀巖觀州愛玩頻前夜民部平生幾薰沐
藏舟夜壑未厭深竟作新軒坐中物一天星月入金樽
翠射娉婷自有人只欠宣和鄭先覺為君留寫五湖真
鹿泉新居

土門西邊井陘渡野日荒荒下汀樹榆關石嶺都幾程
客夢往往迷歸路塵埃風雨半生過儘着筋骸支世故
寧州假館又兩年未保東來不西去山城百家家有山

欽定四庫全書

石倉歷代詩選
卷二百三十一

十四

觀面呈山誰一顧賣書買得呂氏園不謂金山舉相付
圮崖老作土灰色擁腫形模一夸父娟娟正有小娥媚
却立不容親杖屨就中抱犢尤峭拔望見韓山即攀附
韓王砦頭四望濶全趙米如纔數聚眼中麾蓋天上來
泝水鼓旗紛偃仆漢家威靈萬萬古石子連岡猶虎距
夏秋衆壑會鹿泉浩浩湍聲瀉餘怒西南諸峰不知數
蕩海鯢鯨尻背露霏烟空翠有無中百態陰晴變朝暮
靈巖龍泉曾一到獨欠封龍展衰步學仙不愛徐童花

李相書龕心所慕生平懷抱向山盡老氣崔嵬如有助
巖居枯寂朝市喧喧寂兩間差有趣得行固願留不惡
流坎且當隨所遇何曾萬錢寧用許方丈有山容下節
管城初無食肉相黃帽非供折腰具明年高築野史亭
天已安排看山處多慙不及謝宣城標出敬亭天一柱

汎舟大明湖

待杜子不至

長白山前繡江水展放荷花三十里看山水底山更佳
一堆蒼煙收不起山從陽正西來青一灣天公擲下半

欽定四庫全書

石倉歷代詩選
卷二百三十一

十五

玉環大明湖上一杯酒昨日繡江眉睫間晚涼一棹東
城渡水暗荷深若無路江妃不惜水芝香狼籍秋風與
秋露蘭襟鬱鬱散芳澤羅襪盈盈見微步晚晴一賦畫
不成枉着風標誇白鷺我時駭驚追散仙但見金支翠
蕤相後先眼花耳熱不稱意高唱吳歌叩兩舷喚取樊
川捏醉筆風流聊與付他年

食榆莢

露葵滑寒羊蕨羶春榆作莢絕可憐榆令人暝何暇計

田舍年例須濃煎簫聲吹暖賣錫天家人鑽火分青煙
長鈎矮藍走童穉頃刻綠萍堆滿前炊飯雲子白剪韭
青玉圓一杯香美薦新味何必烹龍炮鳳誇肥鮮鼠肝
蟲臂萬化途神奇腐朽相推遷夢中鸚鵡亦大樂隨意
飲啄真飛仙先生捫腹一莞然此日何功食萬錢

天門引

秦王深居不得近從破衡成欲誰信白頭遊客困咸陽
憔悴黃金百斤盡海中仙人黃鵠舉大笑人間爭腐鼠
欽定四庫全書
石倉歷代詩選
卷二百三十一
十六
丈夫何意作蘇秦六印才堪詫兒女古來多為虛名老
不見阿房淨如掃千年虎豹守天門一日牛羊卧秋草

秋風怨

碧瓦高梧響疎雨坐倚薰籠時獨語守宮一着死生休
狗走雞飛莫為女雲間簫鼓夜厭厭禁漏誰將海水添
一春門外羊車過又見秋風拂翠簾總把丹青怨延壽
不知猶有竹枝鹽

隋故宮行

渭川楊柳先得春二月鶯啼百轉新長春宮中千樹錦
暖日晴雲思煞人君王半醉唱吳歌絳仙起舞頰翠蛾
吳兒謾說曾行樂三十六宮能幾多千秋萬古金銀闕
海沒三山一毫髮繁華夢覺人不知留得寒蟬泣秋月

望歸吟

塞雲一抹平如截塞草離離卧榆葉長城窟深戰骨寒
萬古牛羊飲冤血少年錦帶佩吳鉤獨騎疋馬覓封侯
去時只道從軍樂不道關山空白頭北風吹沙雜飛雪
欽定四庫全書
石倉歷代詩選
卷二百三十一
十七
弓絃有聲凍欲折寒夜昨夜洛陽來腸斷空閨搗秋月
年年歲歲望還家此日歸期轉未涯誰與南州問消息
幾時重拜李輕車

九月七日夢中作詩續以末後一句

桃花紅深李花白昨日成團今日折歌聲滿耳何處來
楊柳青旗洛陽陌拊君背握君手朝鐘暮鼓無了期世
事于人竟何有青青鏡中髮忽忽成白首六國印何如
負郭一頃田千載名不及即時一盃酒

世宗御書田不伐望月婆羅門引先得楚字韻

瑤光樓前按歌舞桂樹秋香月三五白頭誰解記開元
四海歡聲沸簫鼓兩都秋色皆喬木三月阿房已焦土
天上亦有別離情可是田郎心獨苦承平舊物霓裳譜
寶氣暉暉映千古銀橋望極竟不歸滅沒燕鴻下平楚
贈別孫德謙

津橋垂楊雪花白挽斷春衫苦留客西湖一雨春意濃
絕似銅駝洛陽陌湖亭轟醉卧春風到手金杯不放空

欽定四庫全書

石倉歷代詩選
卷二百三十一

十八

鵲山一帶傷心碧羨殺孫郎馬首東

王右丞雪霽捕魚圖

江雲澗澗陰晴半沙雪離離點江岬畫中不信有天機
細向樹林枯處看漁浦移家媿未能扁舟蕭散亦何曾
白頭歲月黃塵底笑殺高人王右丞

過劉子中新居

鄆州城隅兩茅屋市聲喧喧自幽獨春風吹盡山杏花
只有青青一叢竹先生愛畫如惜玉練鵲翔鸞餘百軸

大兒踉蹌挾書歸土銚疎烟繞一粥微官枉負半生閒
也着區區簿領間何時却與溪南老紫蓋山前共往還

湘夫人詠

木蘭芙蓉滿芳洲白雲飛來北渚遊千秋萬歲帝鄉遠
雲來雲去空悠悠秋風秋月沅江渡波上寒煙引輕素
九疑山高猿夜啼竹枝無語墮殘露

覓神霄道士古銅爵

雷章著土紛朱碧秋茵春蒲人不識若非儀狄墓中來

欽定四庫全書

石倉歷代詩選
卷二百三十一

十九

應自杜康祠下得古人我得酒之傳摸索飲器流饒涎
苟非其物吾何取他日酬君九府錢

贈休糧張練師

金砂霧散風雨疾點點黃金鑄秋橘中林宴坐人不知
野鹿啣花蜂課蜜富兒盤饌羅羶葷擾擾飛蠅復聚蚊
見說西山好薇蕨一枝青竹願隨君

高門關

高門關頭霜樹老細路千山萬山繞亂餘村落不見人

霰雪霏霏暗清曉
莘川有里如掌平
閒田滿眼人得耕
山中樹藝亦不惡
誰遣多田知姓名
許李申楊竟何得
只今惟有石灘聲

歸舟怨

渡頭楊柳青復青
閨中少婦動離情
只從問得狂夫處
夜夜夢到洛陽城
城南吹櫓聲北雁
鳴嚶嚶江流望不
極相思春草生

春日

欽定四庫全書

石倉歷代詩選
卷二百三十一

二十

里社春盤巧欲爭
裁紅暈碧助春情
忽驚此日仍為客
却想當年似隔生
貧裏齏鹽憐節物
亂來歌吹失歡聲
南舟剩有還鄉伴
戎馬何時道路清

野菊座主閑閑公命作

柴桑人去已千年
細菊斑斑也自圓
共愛鮮明照秋色
爭教狼籍卧疎煙
荒畦斷隴新霜後
瘦蝶寒蛩晚景前
只恐春叢笑遲暮
題詩端為發幽妍

葉縣雨中

春旱連延入麥秋
今朝一雨散千憂
龍公有力迴枯槁
客子何心歎滯留
多稼即看連楚澤
歸雲應亦到崧丘
兵塵浩蕩乾坤滿
未厭明河拂地流

留別仲澤

避俗無機日見侵
推貧不去巧相尋
半生與世未嘗合
前日入山惟不深
綠水紅蓮慚大府
清泉白石識初心
相思命駕非君事
能寄詩來或賞音

寄楊飛卿

欽定四庫全書

石倉歷代詩選
卷二百三十一

三

客夢悠悠信轉蓬
竹牀高卧動晨鐘
西風白髮三千丈
故國青山一萬重
沙水有情留過雁
乾坤多事泣秋蟲
三間老屋知何處
慚愧雲間陸士龍

隱亭同麻知幾賦

零落棲遲復此遊
一樽聊得散羈愁
天圍平野莽無際
水遶孤城間不流
柳意漸迴淮浦煖
雁聲仍帶塞門秋
登高望遠令人起
欲買煙波無釣舟

五月十一日樗軒老忌辰追懷

遺後交情老更傷每逢哀日倍難忘神光何處理泉壤
落月無言滿屋梁秘閣圖書疑外府謝家蘭玉記諸郎
靈均謾倚騷經在宗國河山半夕陽

寄劉繼先

清霜茅屋耿無眠坐憶分攜一慨然楚客登臨動歸興
謝公哀樂感中年淒涼古驛人煙外迤邐荒山雪意邊
千樹春風水楊柳待君同繫晉溪船

惠崇蘆雁

欽定四庫全書

石倉歷代詩選
卷二百三十一

三

江湖牢落太愁人同是天涯萬里身不似畫屏金孔雀
離離花影淡生春

早起

北舍南隣獨樂聲袂衣晨起覺秋清豆田待熟朝朝雨
喚殺雙鳩不肯晴

納涼張氏庄

小橋深竹午風便一道垂楊帶亂蟬山下行人遮日去
却從茅屋問瓜田

梁縣道中

青山簇簇樹重重人在春雲浩蕩中也是杏花無意況
一枝臨水卧殘紅

長壽山居元夕

微茫燈火共荒村黃葉漫山雪擁門三十九年何限事
只留孤影伴黃昏

夢中作

春泥滑滑滿春山慚愧幽禽喚客還安得便乘雙翼去

欽定四庫全書

石倉歷代詩選
卷二百三十一

三

綠陰清晝伴君閒

濟南雜詩

秋來官樹午陰輕湖畔遊人怕晚晴一夜靈泉菴上宿
四山風露覺秋生

寄史同年

情話通宵慰別離殷勤釀酒趁花期沁南只道梅花早
猶較歸程十日遲

為衍聖公題張公佐湘江春早圖

黃陵祠下雨如繩老筆題詩想舊曾今日圖間見晴景
依然愁絕夜船燈

發南樓度雁門關

雞鳴未動發南樓澗水隨人向北流欲望讀書山遠近
雁門關上頓回頭

稼礪石磴倚高梯穹谷無人綠樹齊總為古來征戍苦
宿雲常傍塞垣低

岳山道中

欽定四庫全書

石倉歷代詩選
卷二百三十一

三四

野禾成穗石田黃山木無風雨氣涼流水平岡儘堪畫
數家村落更斜陽

雪岬鳴鷗

離離殘雪點荒叢更着幽禽慘淡中笑殺畫簾雙燕子
秋千紅索海棠風

風柳鳴蟬

輕明雙翼曉風前一曲哀箏續斷絃移向別枝誰畫得
只留殘響客愁邊

欽定四庫全書

石倉歷代詩選
卷二百三十一

三五

石倉歷代詩選卷二百三十一

欽定四庫全書

石倉歷代詩選卷二百三十二

明 曹學佺 編

元詩二

陳孚

出門別親友

停君漢水浮鴨之翠杓聽我嶧山栖鸞之綠桐男兒拂衣出門去龍泉三尺光如虹君不見磻溪鶴髮釣魚者

欽定四庫全書

石倉歷代詩選
卷二百三十二

偶擲漁竿來牧野白旄麾開炮烙煙桓圭朱芾侯青社又不見南陽卧龍人不識一朝佐漢坐狼石羽扇輕搖蛇鳥驚火精焰焰天西極旗亭四月柳如藍紫駟嘶風黃金驂豈無叩牛歌亦有捫蝨談天生巉巖萃偉骨蒿萊槁死誰能甘我欲登泰山扶筇歛天關東溟若木如可攀手弄日月青雲間我欲渡黃河赤腳凌秋波水仙樓閣銀嵯峨徑叱海若笞蛟鼉停君翠杓聽我綠桐真人開天六合同風騶虞鳳皇飛舞錫宮有線五色獻于

重瞳補舜衣裳山龍華蟲虎豹九闕兮不可以達吾則脫冠歸來兮丹丘之青峰長揖二三子目送西征鴻

黃河謠

長淮綠如苔飛下桐栢山黃河忽西來亂瀉長淮間馮夷鼓狂浪崢嶸雪崖墮驚起無支祈腥涎沃鐵鏢兩雄鬪不死大聲吼乾坤震撼山嶽骨磨蕩日月魂黃河無停時淮水流不息東風吹海波萬里湧秋色秋色不可掃青煙映蘆花白鳥亦四五長鳴下汀沙黃靈奠四瀆

欽定四庫全書

石倉歷代詩選
卷二百三十二

各剖盤古髓千載今合流神明胡乃爾漁翁一髮霜扁舟依古樹陽浦欲叩之翩然凌波去

夜泊六和塔下

碧天如幕垂露濕星磊磊漁燈射寒沙萬點亂光彩壯哉大江水浩浩東北匯西風捲潮來鐵馬擁萬鎧木落煙嶂橫鳴夷魄安在卧聞黃帽郎一曲歌歎乃扣舷起和之逸興渺雲海

淮安州